

高陵縣續志

函一
二冊
函

高陵縣續志卷之五

知縣程維雍重修

邑人白遇道編纂

人物傳上

川嶽炳靈代產賢哲不擇地與時也周秦上難稽矣懿夫漢有周文張叔唐有于仲謐元有楊元甫明有呂涇野哉

朝有吳崑毓李伯貞諸賢或以長厚端直稱或以博學守道著或以理學鳴或以高節孝友見皆生爲邦楨歿而宜祭於社者然而進道不一途與人不求備則夫巖林隱逸鄉黨自好以洎見義有勇樂善不倦之夫苟不繆戾於聖賢皆可與忠孝節烈並傳也志景慕闡幽潛敢阿好云爾乎述人物傳第七分上中下三篇

明郝滋字洪濟其先安肅人累世仕宦自曾祖某徙居高陵滋性類

異孝友自幼失恃入邑庠勤學不勗成化辛卯以禮經領鄉薦遊太學三年丁外艱哀毀踰禮事繼母劉甚孝宏治癸丑授中牟知縣民尙奔競素稱難治下車守廉奉公擘畫區處不踰年境內大治縣有水害歲常淹民田滋卽築衛民堤民利之明年秋蝨賊害禾滋祭於漢魯公祠次日陡風蝨皆殞他善政不可勝紀邑之致政劉懷上政績三十事都憲巡按交薦於朝遣官旌獎九年秩滿擢湖廣均州知府卒

劉守臣字克艱郭下里人宏治甲子舉人性孝友早喪母凡遺物終身藏之授任邱縣知縣禮賢惠民振頽興滯懲奸黜浮令行禁止不受饋遺門無苞苴頑民薛堂怙惡公諭之堂卽改爲良民以至諭息爭訟表勵貞節士民以勤儉公愼頌之擢知臨清府害除利興撫按交薦後值撫按構怨牽涉罷歸

劉遷字子喬縣郭下里人少貧代兄爲更役宿縣中縣令夢白虎臥鐘下晨起求之得遷使之業書試藝奇之召其兄屬曰此必亢而家未幾補弟子員嘉靖丙申舉於鄉謁選教諭高平歷陞崇府左長史崇莊王性嚴急前此多不相能聞遷賢一見卽殊禮敬之稱先生而不名遷隨事婉陳長於諷諭軍校素悍凌藉平民有司不能禁遷輒約制之少斂嗣王立倚毗甚切遷以老求去成太妃與王輒泣畱左右亦皆泣曰劉先生去卽吾國壞矣王久居宮中不任事遷一切任之三十年閒內外無閒言子自化進士

馬書林字子約縣慶豐里人嘉靖己丑進士初知河南輝縣陞南京刑部雲南司主事歷陞本部廣西司郎中性純厚篤孝知輝縣時申減上稅之田三百餘頃改洩久潦之陂爲田五百餘頃輝民頌德焉江西富民王冠者挾重資往來公卿閒縱慾肆惡買童男女合藥事

發送部批公問斷王冠求書晚屬且饋千金力卻之卽寘以法陞河南汝甯知府申奏問革崇府長史承奉罷職軍校充發邊衛者二十餘人自是汝民安矣調四川保甯府申減上司絲綬之累尋就陞按察司副使整飭威茂兵備未任而卒人咸惜之

劉岸字汝登縣郭下里人中嘉靖庚子鄉試初授山西翼城縣教諭歷任直隸獲鹿河南武安四川昭化知縣有去思碑陞直隸河間府通判山西吉州知州有德政碑陞山東兗州府同知罷歸巡撫李世達追薦其剛介有爲事集民安直以不徇請託致遭妻非云

以上呂
昉志

呂柟明史本傳字仲木高陵人別號涇野學者稱涇野先生正德三年登進士第一授修撰劉瑾以柟同鄉欲致之謝不往又因西夏事疏請帝入宮親政事潛消禍本瑾惡其直欲殺之引疾去瑾誅以薦復官乾清宮災應詔陳六事其言除義子遣番僧取回鎮守太監尤

人所不敢言是年秋以父病歸都御史盛應期御史朱節熊相曹珪
累疏薦適世宗嗣位首召枏上疏勸勤學以爲新政之助畧曰克己
慎獨上對天心親賢遠讒下通民志庶太平之業可致大禮議興與
張桂忤以十三事自陳中以大禮未定諂言日進引爲己罪上怒下
詔獄謫解州判官攝行州事恤災獨減丁役勸農桑興水利築堤護
鹽池行呂氏鄉約及文公家禮求子夏後建司馬溫公祠四方學者
日至御史爲闢解梁書院以居之三年御史盧煥等累薦陞南京宗
人府經歷官尙寶司卿吳楚閩越士從者百餘人晉南京太僕寺
少卿太廟災乞罷黜不允選國子監祭酒晉南京禮部右侍郎署吏
部事帝將躬祀顯陵累疏勸止不報值天變遂乞致仕歸年六十四
卒高陵人爲罷市者三日解梁及四方學者聞之皆設位持心喪計
聞上輟朝一日賜祭葬枏受業渭南薛敬之接河東薛瑄之傳學以

窮理實踐爲主官南都與湛若水鄒守益共主講席仕三十餘年家
無長物終身未嘗有惰容時天下言學者不歸王守仁則歸湛若水
獨守程朱不變者惟相與羅欽順云所著有四書因問易說翼書說
要詩說序春秋說志禮問內外篇史約小學釋寒暑經圖解史館獻
納宋四子抄釋南省奏稿涇野詩文集萬厯崇貞間李楨趙錦周子
義王士性蔣德璟先後請從祀孔廟下部議未及行隆慶初贈禮部
尙書諡文簡關學編少授尙書於邑人孫昂有志聖賢之學大參熊
公李公延教其子館於開元寺聞父疾徒步歸二公以夫馬追送不
及父愈構雲槐精舍聚徒講學宏治辛酉舉於鄉明年遊成均與諸
同志講學寶印寺正德戊辰廷對第一授修撰時閹瑾竊政以枋榆
故致賀相卻之會西夏構亂疏請上御經筵親政事不報乃引去瑾
敗薦起舊職上疏勸學上嘉納未幾乾清宮災應詔陳六事不報復

引疾去父病侍湯藥晝夜衣不解帶履恆無聲及卒哀毀踰禮既葬廬墓側旦夕焚香號泣釋服復講學東林書屋鎮守閤廖素張甚戒使者過高陵勿擾曰有呂公在也世廟卽位詔起原官上御經筵相進講值淳皇后忌辰口奏宜存轡服禮罷賜酒饌朝論薨之甲申復以十三事上言過切直謫判解州會守缺相攝事善政釐然建解梁書院選俊秀者歌詩習小學朔望令耆德者講會典行鄉約廉孝悌節義者表其廬求子夏後教之轉南吏部郎遷國子祭酒以師道自任取儀禮諸篇令按圖習之登降俯仰鐘鼓管籥有古辟雍之風晉南禮部侍郎署南吏曹掾疏薦何瑋穆孔暉徐階唐順之等二十人入賀會廟災自陳遂致仕歸學翼相在南都八年四方士環趨講下是時海內講學者各守一先生言相獨集取周程張朱語爲四子抄釋令學者力行曰必如是乃爲吾實學無他法門也 國朝同治三

年以御史

奏請從祀孔廟

部議畧云涇野集關學之大成出處言動無一不規卓然冉閔之徒詳覈人品

學問與羅欽順實相伯仲與闡明聖學傳授道統之例相符擬如該御史所請奉旨依議從祀孔廟西廡在明臣蔡清之次

吳謹字仲直縣郭下里人嘉靖己酉舉人任山西臨晉縣教諭教規

嚴整卒於官

劉自化字伯時遷之子嘉靖乙丑進士除戶部主事司崇文門稅務

令商各以物自占寬算緡額司明知草場卻商千金饋司太倉銀庫得前盜臣主名奏治之大司徒以漕糧遇期請擇風力官往督之自化奉文併力抵淮布憲令所在濡滯以軍法從事漕艘爭先河決中夜呼巨艦載土塞徐州城城完漕糧無恙除知岳州臨湘故無城取關市賦成城民不告勞平江盜出沒吏莫能討自化入境擒渠魁散其餘黨改守登州亦故無城城之如臨湘青登萊三郡田逋至二萬上書陳疾苦司農奪其祿而盡蠲逋稅乃大喜日以吾二月俸省民

二萬吾所受贏矣三郡舉百加額歷任山東浙江都運使俱以不貪爲寶遭父喪歸遂不出子復初進士

任佩字伯玉縣人嘉靖中以明經授興平司訓從許督學講學會城書院以忤縣令委盤倉糧欲中傷之佩素潔不入暮金一時畏服終以不能於令遷肅藩授藩庠性佻達佩嚴其近侍不使私出入多所匡正藩校王應龍兄弟以事犯王怒甚下佩議死佩封還令旨竟得釋又禁金王親之驕橫絕李儀賓之賄屬河套弗甯經略行部謀野佩捧檄陳言累干言經略嘉嘆頒布軍前王及嗣王皆繼薨力求當道請休書上不允更勉畱佩不得已託言改選乃歸

李克家字子肖縣毘沙里人以選貢任山東汶上縣丞明敏謙謹

劉守德字克新縣郭下里人孝友警敏善書鍾王以選貢任四川崇甯縣知縣令行禁止有能聲吏部考云仕學兩優天下守令第一遂

行取戶部山東司主事

任大仰縣毘沙里人萬厯閒紫陽學貢時邑受褐行之累公條陳去之民祀於毘沙嶽廟東官至青州府同知後致仕歸

劉復初字貽哲自化子萬厯壬午解元癸未聯捷進士授戶部主事調兵部時有事朝鮮大司馬欲以封貢羈縻之復初出位力言其不可已而會議者亦陳封貢不可行大司馬爲之屈出守上黨歲大饑民多轉徙時苦地差之征乃會計庫藏餘金補之歲減萬餘金又省站銀歲千兩以牛種給民墾田萬餘畝積粟至二千石歲乃饑而不害尋中他語降廣東市舶提舉粵有稅銀五十萬素不及額中使持之復初反復開說歲止賦十二萬餘悉裁之擢淮安同知後持憲川瀘川人曾良弼唆土官攻殘筠連城日事兵革所費鉅萬朝廷懸賞格以購復初計擒良弼父子皆斬之奢崇明襲土官叛漢法與雷安

民鬪議者欲用兵復初曰吾將以一紙書止之因遣人開諭鬪旋止
尋敕駐陽和順義與索囊陰相結七年不貢數窺邊復初至築城堡
練戎馬策勵將勇人可用遂不敢犯通貢如故時以東事調薊門議
增兵復初曰業畱鞏華兵獨不可畱鞏華餉乎故兵雖役而餉不加
內召陞太常未幾告歸不復起

田宏甸字所治號若愚縣渭陽里人生而奇穎年十五卽補邑弟子
員食廩餼困於場屋者十二次以明經任平陽司訓端躬迪士上官
深器重之薦擢四川大甯知縣大甯地僻民貧會奢酋跳梁徵發時
出宏甸無不立辦所得俸資輒助公費大甯有鹽稅前令往往額外
取之宏甸悉爲減去又每歲例運米他縣二百餘石宏甸請折銀併
其腳力之價解於上商民胥悅四年政和民安陞涪州刺史涪人夙
知其賢急迎之時已積勞盡瘁未履任卒大甯民如喪考妣爲位哭

之比歸或撫輓號呼有仆地而後蘇者

李仙品字雲卿縣郭下里人萬厯乙未進士初知長治舊例於道府縣日送樣綢一疋力請革除剔舊弊除俸羨擢揚州江防減冒布商人之稅嚴緝江賊知承天府楚府宗藩毆死巡撫具疏請旨以正典刑委授監斬庶民快之卽擢沔陽道以母憂歸起補川北遵義道會奢賊猖獗虐屠重慶蹂躪成都奉敕監軍親冒矢石身先士卒追北納溪搗穴永甯翦其賊首奢崇明全蜀奠安擢湖廣偏沅巡撫復討安賊獲勝尋以告疾還家路經承天故老士民沿江涕泣卒之日風雨晦冥人咸異之崇貞五年欽賜祭葬敕贈兵部右侍郎

李喬崑字孕厚縣郭下里人天啟乙丑進士筮仕洪洞洪洞故多李氏喬崑之遠祖在焉有持家譜干以私者謝卻之及在眞定中官欲加以屬禮杜門不屈人稱其節闖寇據關沔以僞司馬拒弗受望闕

北拜而死

李喬崙字孕秀喬崙弟萬厯丙午舉人爲永平府推官備陳八苦請

議抵給加派停買草束轉買天津賑濟寬恤又請安插遼人用保甲

土著之法皆經濟名言後爲御史敷奏甚多其最著者彈劾魏忠賢

一疏

疏曰爲大奸盤據法紀凌遲懇祈聖明奮乾斷以伸國憲事臣惟從來宦官之禍人家國者往往不出一手內不借之外以爲

驅駕則其氣燄不張外不借之內以爲線索則其機竅不靈而其中非奸惡鉤連串合探聽開報挑怨激怒則其黨與不聯而其禍福不

驗臣竊觀東廠太監魏忠賢怙寵專權毒流中外自堂堂官楊漣直言極諫而盈廷相繼泣血請劍惡莫大於人心之共憤事莫真於通國

之可殺乃轉圜無期譙呵且加諸臣相顧歛歛謂皇上果忘當年夾輔之功臣拒諸臣逆耳之忠言天下止知有忠賢皇上亦止知有忠

賢也乃臣固有以知其心矣皇上明主也鋤奸除邪美名也不欲操自言官而時將出不測之雷霆於風清浪靜之日諸臣亦宜靜聽天

威無容煩聒矣獨念猛獸之吞噬非不慘也翦其爪牙則凡獸等耳驚鳥之搏攫非不毒也鍛其羽翮則凡鳥等耳故他人所憂者忠賢

而臣所憂者又在傳應星傳繼教陳居恭益三克正其關通內外而張牙橫翮之人也請先言三克之罪傳應星者名爲忠賢之甥實爲

忠賢之子也內官有子從來怪事忠賢以數百萬家貲付之足矣又爲之營幹中書未數日而加大理事副又加儀制司郎一丁不識正

字何名應星因而假勢招搖威行輦轂而其妻又與奉聖夫人客氏之子之妻爲兄弟人益畏之一時亡識之徒延爲上賓藉爲脈絡以致取旨如寄受命如響而揖門納款希冀靈寵者益日夜不休此應星之不容誅者也傳繼教者忠賢之理刑而冒認應星爲兄弟也出身書役營爲小旗寅緣關說遂爲理刑忠賢以鍛煉託之或嚇貧民以報商或嚇良民以奸細或嚇罪人以立枷使人傾家鬻子以求免求免不得者則立斃之四年來冤死多命多出其手夫一無賴丐子積家數十萬從何處得來而聲勢重大枝葉繁多那升移沈神鬼不測報恩修怨纖毫不差門懸文武之牌手握中外之權此繼教之不容誅者也陳居恭者拜繼教爲兄而結應星爲弟者也起家中官之姪承蔭金吾已爲過分而閃爍陰陽如鬼如蜮往爲罪撫居間出獄爲公論所擯既以捏報私書陷害毛士龍爲公論所覺又以上本位置樞輔爲台省公疏所參奉旨逐回原籍近復潛蹤入都忠賢以打點事件託之今日捏幾事明日捏幾事今日揚言曰某要害某明日揚言曰某要害某而參魏大中汪文言之疏半月前明出袖中近又公然大言於閣臣某人可免某人難饒生殺予奪一手握定一口咬定何物貓鼠無忌若此此又居恭之不容誅者也此三人者內竊意旨外假威靈通內於外而皂囊白簡顧盼立就通外於內而斜封墨敕呼吸皆靈甚而形蹤敗露隄防人言又爲一操一縱一霜一露以顯其神通是使忠賢得罪於皇上而士大夫得罪於名教者皆三充之爲也此其罪尚可逃一日之誅哉今罪狀已明單疏公疏糾摘已眾而處分之旨杳如臣竊惑之在忠賢左右近臣猶曰待皇上處分三人皆市井棍徒而聽其負隅憑城徑不可問是朝廷眞無法紀而綸扉眞無櫛柄矣伏乞皇上先將傳應星傳繼教陳居恭三犯速勅

法司究問正罪再檢察憲臣諸臣疏顯暴惡狀立清肘腋於以釋蕭牆之隱憂而平人心之積憤不然批鱗而破柱者正未有已也臣草疏完見陳居恭有疏參忠賢此正同官黃尊素所謂同忠賢者亦參忠賢然而質之公論又謂人不患有過而患不改過若居恭者勇於改頭易面畢竟良心未昧自新有機所宜暫開一面徐俟將來動定者統惟聖裁施行臣無任激切待命之至 歷官參政

李原立字邃立縣郭下里人以進士任汜水縣知縣路衝民疲差繁賦重崇貞八年流寇薄城邑民凋殘原立加意培養略有起色是年秋流寇老回回復突至原立躬擐甲冑親冒矢石擊死賊首斬獲甚眾並獲輜重無算賊遁去後賊屢至守禦益固無可乘城獲以全其地招流亡勸耕桑興學校善政甚多尋調輝縣軍民攀留者數千人後陞鎮江知府丁憂歸值闖亂遂不復出

劉銑縣郭下里人爲學生與弟某同學師友切劘銑尤苦學勵行縣尹問其賢聘爲塾師涇野贈詩云劉氏兄弟企兩程范蠡姜被誦三更雲槐精舍久塵土近有丁丁伐木聲子春生由歲薦廷試萬厯丙

戊授代州同知八年潔已愛民有廉能聲會與僚長意左遂歸里
田仲字伯茂晏村人生而孝友父歿蜀中事母益謹入蜀奉父骸骨
歸葬盛廕以嬪妹弟穗歿遺幼孤二撫之成人

榮天倫字望原縣張市里人親歿廬墓三年有苴杖生葉馴兔守墓
之祥遠近羣稱爲榮孝子云

高陟字汝明選之子歲貢生母歿與弟學生阡同廬墓三年涇野贈
詩云渭坡夫子出雙賢廬墓越今經二年枕出眠苦天下淚門牆得
士許誰先阡兩讓貢於兄士論高之巡撫提學扁其門曰孝友真儒
楊宗道字希賢縣渭橋里人天資聰敏讀書能識大義兼明於刑律
以柏臺稱辟爲富平澄城功曹所在廉平信義人無間言尋授秦藩
長史掾在官未嘗營利家居樂善憐貧族人有不善者教育之貧乏
者周給之貸人以財人無力償終不言雅敬儒者時涇野谿田二先